



HAringus Sifridus Sinnama, quē uulgò Her-
mannum uocarunt, in Hagen oppido Phry-
lie oriundus fuit. Is amore literarum sese Coloni-
um contulit, atque Philosophiæ & literis humani-
oribus operam dedit. Postea uerò etiam animum
ad Iurisprudentiam conuertit, & tantam eius sci-
entiæ cognitionem adeptus fuit, ut non solùm in
Gymnasio Coloniensi principem locum obtine-
rit, uerùm etiam apud principes circumiacentes
& Ecclesiarum præfules in magna autoritate fue-
rit. Erat is ingenio perspicaci, atque multis uirtuti-
bus ornatus, qui legendo, scribendo, & consultan-
do omnem ætatem insumpsit. Scripsit is præcla-

rum opus super titulos Codicis quod libris duodecim distinxit. præterea su-
per titu. ff. Veteris lib. uiginti quatuor, super tit. ff. Inforciati lib. quatuordecim,
Super titulos ff. Noui libros duodecim. Super tit. Institutionum libros qua-
tuor. Super tit. decretal. libros quinque. Atque in usus feudorum librum
unum. Claruit initio Imperij Maximiliani, Anno millesi-
mo quadringentesimo nonagesimo quinto.

Trithemius.